

勸課門

祈穀耕藉

御製詩文

授時通考

卷四十九至五十一



欽定授時通考卷四十九

勸課

本朝重農

祈穀

謹案月令天子以元日祈穀於上帝。蓋人君代天理物。欽若敬授。未有不以農事為先務。我國家修明典禮。尤重民生。

太宗文皇帝繼天立極。肇祀

郊壇。

世祖章皇帝創業垂統。乘時定制。每歲孟春上辛。祈穀于上帝。一切典禮。與冬至大祀同。

欽定授時通考

卷四十九 勸課

祈穀

一

聖祖仁皇帝釐定樂章。禮文大備。康熙二十八年。復命另撰祈穀祝文。將肫懇恤民之意。切實祈求。

世宗憲皇帝視民如傷。盡誠盡敬。每歲

躬祀

郊壇。為民請命。

天心協應。疊降嘉祥。薄海內外。無不食德飲和。仰蒙

福佑。我

皇上御極以來。闔澤覃敷。深仁普洽。蠲免賑恤之典。史

不勝書。凡閭閻之疾苦。稼穡之艱難。無弗洞悉周

知。厯懷夙夜。

齋宮淵穆。對越精誠。



視玉。皇帝

視帛。皇帝於前上香畢。鼓於前。即奠正帛。樂奏。肅平

視香行禮。復至龍亭前上香行禮。太常寺官送祝文玉

帛香。至

天壇神庫內青案上安設。

前期一日。禮部都察院太常寺光祿寺官俱朝

服上香。監宰牲並瘞毛血。

一正祭日。鹵簿大駕全設。

皇帝御禮服出宮。乘輦。

駕進

壇西門降輦。至更衣幄次更祭服。盥手畢。進獻樂

欽定授時通考

卷四十九

勸課

祈穀

三

大享殿內就拜位。王以下陪祀各官俱序列。燔柴迎

帝神。奏中平之章。

皇帝陞

壇詣

上帝香案前上香。次詣

太祖高皇帝

太宗文皇帝青案上安設

世祖章皇帝

聖祖仁皇帝

世宗憲皇帝位前上香畢。旋位行禮。唱奠玉帛。樂奏肅平

奠玉之章。

皇帝陞

壇詣

上帝位前獻玉帛次詣

太祖高皇帝

太宗文皇帝

世祖章皇帝

聖祖仁皇帝

世宗憲皇帝位前奠帛畢旋位唱進俎樂奏咸平之章

皇帝陞

壇以次進俎畢旋位行初獻禮樂奏壽平之章

皇帝陞

欽定授時通考

卷四十九

勸課

祈穀

四

壇詣

上帝位前獻爵畢讀祝官跪讀畢

皇帝行禮復詣

太祖高皇帝

太宗文皇帝

世祖章皇帝

聖祖仁皇帝

世宗憲皇帝位前獻爵禮畢旋位行亞獻禮樂奏景平之

章

皇帝陞

壇以次獻爵如初獻儀禮畢旋位行終獻禮樂奏永平之

風霆流形兮雨澤霑。

實穎實粟兮氣化全。

玉帛祇奏兮祇禋虔。

仰祈寰宇兮享豐年。

進俎樂奏咸平之章。

鼎烹兮苾芬。

嘉薦兮無文。

奉雕俎兮大武。

羶薌建兮氣干雲。

昭普存兮民力。

惟明德兮馨聞。

初獻樂奏壽平之章。

初獻兮旨酒盈。

著誠致潔兮犧尊盛。

儼對越兮在上。

惟昭明兮有融。

瑟黃流兮玉瓚。

帝心歆假兮賚嘉禎。

亞獻樂奏景平之章。

欽定授時通考

卷四十九

勸課 祈穀

六

著尊啟兮告虔。

清醑次第兮舉前。

禮再獻兮肅拜。

列瑤觴兮秩斯筵。

神悅懌兮如在。

惠我嘉生兮福便便。

終獻樂奏永平之章。

終獻兮泰尊移。

苾芬嘉旨兮圭瓚交馳。

神既醉止兮錫祉。

禮成於三兮陳詞。

願灑餘瀝兮沐羣黎。

臣拜手兮望雲霓。

徹饌樂奏凝平之章。

俎豆具陳兮庶品齊。

舉荷昭鑒兮靡或遺。

饌告徹兮玉几。

登歌洋溢兮式禮無違。

肅微忱兮告終事。

上帝居歆兮錫純禧。

送

帝神樂奏清平之章。

祇奉天威兮弗敢康。

小心翼翼兮昭穹蒼。

雲垂九天兮露瀼瀼。

翠旂羽節兮歸何鄉。

臣拜下風兮意徬徨。

願沛汪澤兮時其雨暘。

望燎樂奏太平之章。

翹首兮天閭。

邈彼雲海兮何蒼茫。

炳蕭束帛兮薦馨香。

精誠咸格兮降福穰。

四時順序兮百穀以昌。

臣同兆姓兮感荷恩光。

皇帝還宮導迎樂作奏祐平之章。

皇天有命。

列聖承之。

欽定授時通考

卷四十九

勸課

祈穀

七

我后配德。

文匡武綏。

海隅寧謐。

神靈宴娛。

于萬斯年。

流慶降釐。

皇極經世一

卷之四十九

祈穀

卷之四十九

皇極經世一

卷之四十九

祈穀

卷之四十九

耕藉

謹案仲春耕藉以供粢盛以重農事甚盛典也我朝

列聖相承勤民務本

世祖章皇帝智勇天錫統一寰宇順治十一年躬祀

先農行耕藉禮

欽定一切儀章為萬世法

聖祖仁皇帝聖神文武仁孝性成康熙十一年耕藉行告祭

奉先殿禮

欽定授時通考

卷四十九

勸課·耕藉

八

世宗憲皇帝仁育義正宵旰憂勤雍正二年以後每歲

躬耕三推禮畢再行一推以示率先農功至意藉田嘉禾

歲生至有十三穗者蓋

精誠感格若斯之盛也又

命直省郡邑各設藉田所在官吏遵行惟謹故自

代之盛我

皇上至誠大孝念切民依乾隆三年行耕藉禮四年照

例舉行億萬斯年著為定例開蒸民粒食之源充

六宇太和之氣山農野老熙熙然相忘于擊壤鼓

腹之下者皆

聖主敬

天法

祖。肫勤教育之深恩也。謹遵照一奉同以發於辛舉行
大清會典及禮部所定現行儀注。載

躬祀

先農壇。

耕耤禮儀於後。

祭

先農壇儀

皇帝舉耕耤禮。則

親祭

欽定授時通考

卷四十九

勸課

耕耤

九

先農壇。其每年常祀。定于春二月。

順治十一年二月。

世祖章皇帝行耕耤禮。親祭

先農壇。康熙十一年二月。

聖祖仁皇帝行耕耤禮。親祭

先農壇。前期遣官告祭

奉先殿。一應禮儀。俱與順治十一年同。雍正二年二月。

世宗憲皇帝行耕耤禮。親祭

先農壇。一應禮儀。與康熙十一年同。以後每年舉行。

乾隆三年二月。

皇上行耕耤禮。親祭

奉先殿。四年二月。

先農壇。前期親祭。上親行耕藉禮。如前儀。

皇帝一前期二日。太常寺官進齋戒牌銅人。

皇帝致齋二日。王以下陪祀各官俱齋戒二日。

皇帝一前期三日。太常寺官視牲。各官俱齋戒二日。

一前期一日。

皇帝御中和殿。視祝文畢。太常寺官捧祝版送至

先農壇神庫內安設。

皇帝一前期一日。禮部都察院太常寺光祿寺官赴

壇監視宰牲瘞毛血。

欽定授時通考

卷四十九

勸課

耕藉

十

一正祭日。

皇帝具禮服。乘輦至

壇。進具服殿盥手畢。至

壇上黃幄次立。王以下陪祀各官俱排立。迎

神。樂奏永豐之章。

皇帝陞壇。上香行禮。初獻。奏時豐之章。職事官獻帛爵。

讀祝畢。各官俱齋戒二日。

皇帝行禮。亞獻。奏咸豐之章。終獻。奏大豐之章。各獻畢。

奏

賜福胙。

皇帝受爵受胙。行禮。謝福胙。徹饌。樂奏屢豐之章。送

神樂奏報豐之章。

皇帝行禮。職事官捧祝帛香饌。送瘞位。樂奏慶豐之章。
皇帝親視。奏禮成。退次。行耕藉禮。

樂章

迎

神樂奏永豐之章。

勾芒秉令。

天下一人。

念彼田疇。

生成有德。

奠帛初獻樂奏時豐之章。

欽定授時通考

卷四十九

勸課

耕藉

十一

先農神哉。

田祖靈哉。

功德深厚。

肅將幣帛。

厥初生民。

神錫之庥。

執茲醴齊。

玉瓚椒醕。

亞獻樂奏咸豐之章。

上原下隰。

粒我烝民。

百穀盈止。

秀良興起。

耒耜教民。

稼穡是親。

天地同仁。

肇舉明禋。

萬彙莫辨。

嘉種乃誕。

農功益見。

肅雍舉奠。

樂舞具備。

再躋以獻。

終獻樂奏大豐之章。

糜芑秬秠。

樂獻四之章。

以神饗神。

秉耒三推。

五風十雨。

徹饌樂奏屢豐之章。

於皇農事。

莫敢不承。

籩豆既豐。

吹豳稱兕。

肴馨酒旨。

維神所貽。

曰予將之。

東作允宜。

率土何私。

自古為烈。

今茲忻悅。

簠簋云潔。

欽定授時道考

卷四十九

勸課

耕藉

十一

神視井疆。

執事告徹。

送

神樂奏報豐之章。

麻麥芄芃。

縱橫萬里。

人歌鼓腹。

歲有常典。

望瘞樂奏慶豐之章。

玉版蒼幣。

敬之重之。

典禮由古。

秬稻連阡。

皆神所瞻。

史載有年。

弗祿綿延。

來鑒來歆。

藏於厚深。

予行自今。

皇樂樂利利。天耕禱天耕國以永寧。

耕藉儀。凡耕藉儀節。係順治十二年。題定。康熙十一年。增

皇帝告祭。雍正二年。頒定樂章。

躬耕藉田。必用亥日。堂官同。馮天。官人。並器具。

一前期一日。遣官告祭。

奉先殿。

皇帝躬祭。

欽定授時通考

卷四十九

勸課

耕藉

三

先農壇行耕藉禮。於前期

視祝版日。設

皇帝耕藉。耒耜鞭種。青箱綵亭三座。設三王九卿從耕

青箱綵亭四座於

午門外。戶部禮部堂官同。順天府堂官入。進器具穀

種於

太和殿下安設。

皇帝陞中和殿。行

閱視祝版禮畢。

皇帝御保和殿。戶部堂官先捧

皇帝耕藉耒耜。次捧鞭。次捧稻種匣安設于

中和殿殿內正中。次捧三王耕耜麥種匣穀種匣。九卿耕耜豆種匣黍種匣。安設于樂工五十名。正中和殿內左右畢。樂工十二名。職鼓樂工六名。皇帝自保和殿陞中和殿。至各陳設處。員領帶樂人四閱畢。還宮。戶部官捧耒耜穀種各匣。至禮部儀門外。立於太和殿階下。授順天府捧出王式牌各餘。排立於午門左門。置各綵亭內。教坊司作樂前導。送至耕耜所安設。
員一。是日早。黃龍袍少憇。三王式牌。又。不。黃龍袍。少憇。三王式牌。又。不。

皇帝致祭

欽定授時通考

卷四十九

勸課

耕耜

十四

先農壇畢。

御具服殿。更補服黃龍袍少憇。從耕三王九卿及不從耕王以下各官。俱更蟒袍補服。禮部太常寺堂官奏請。

皇帝詣耕耜位。南向立。從耕三王九卿各就耕位立。不從耕王以下各官。俱在耕耜蓆棚外。按翼排立。耕耜耒耜鞭青箱綵亭三座。及三王九卿青箱綵亭四座。陳設左右。教坊司領樂官四員。頂帶老人四名。歌三十六禾詞樂工十二名。鑼鼓板樂工六名。執義執扒執箏執鈸蓑衣斗篷樂工二十名。五色彩旗樂工五十名。順天府耆老三十四名。止農夫

十名。中農夫十名。下農夫十名。俱兩旁排立。鴻臚寺官贊進耒耜。戶部堂官北向。跪進耒耜。

皇帝右手耒耜。贊進鞭。順天府尹北向。跪進鞭。

皇帝左手持鞭。耆老二人牽牛。上農夫二人扶犁。禮部

太常寺鑾儀衛官恭導。

皇帝秉耒行耕耨禮。教坊司樂工鳴鑼鼓。歌三十六禾詞。招颺彩旗。唱和隨行。

皇帝三推三返。再行一推禮畢。贊受耒耜。戶部堂官跪

受耒耜。贊受鞭。順天府尹跪受鞭。各置綵亭內。禮部堂官奏請。

皇帝旋位立。戶部堂官。順天府尹。執青箱播種。耆老隨

欽定授時通考

卷四十九

勸課

耕耨

五

後覆土畢。順天府尹以青箱置綵亭內。禮部堂官奏請。

觀耕。

皇帝御觀耕臺。南向坐。不從耕王以下各官分翼序立。

三王各五推五返。各用耆老一人牽牛。農夫二人

扶犁。順天府廳官隨後播種。耕畢。三王退就班位

立。諸王等俱候。

旨序坐。次九卿各九推九返。各用耆老一人牽牛。農夫

二人扶犁。順天府廳官及兩縣各官隨後播種。耕

畢。九卿退就本班立。順天府官將青箱置左右所

設。三王九卿盛種綵亭內。禮部堂官奏耕耨禮畢。

駕輿由東階出。贊行一跪。三叩頭。獻。再。樂。升。殿。階。先農門外。陞輦。教坊司作導迎大樂。至。章。燔。樂。王。下。齋宮陳設。大樂作。官。下。本。對。儀。行。叩。頭。獻。奠。皇。帝。陞。座。誓。樂。坐。殿。合。奏。樂。正。禮。豐。登。之。章。

御後殿。王以下公以上在臺上。文武各官在臺下。東西。向。按翼排立。禮部堂官奏請一叩頭。獻。奠。皇。帝。御齋宮樂作。

皇帝陞座。順天府官兩縣官。率耆老農夫等。由西門入。排立。贊行三跪九叩頭禮。農夫三十人。服本等服。色。各持農器。隨後行禮。丹陛樂作。禮畢。退至耕所。農夫終畝。候耕畢。府縣官至東門報終畝畢。鴻臚。

欽定授時通考

卷四十九

勸課

耕藉

六

寺官跪奏

親耕既成禮。當慶賀。王以下各官排班。丹陛樂作。贊行。

三跪九叩頭禮。禮畢。退就班。行一叩禮。序坐。

賜茶畢。大樂作。

駕輿。御後殿。光祿寺設宴畢。大樂作。

皇帝陞座。王以下各官就原位行一叩頭禮。序坐進宴。

丹陛樂作。奏雨暘時若之章。安宴桌畢。進酒西簷。

下。作管絃樂。笙簫合奏。奏五穀豐登之章。

皇帝舉酒。王以下各官。于本位跪行一叩頭禮。復坐。進。

饌。東簷前。作清樂。奏家給人足之章。徹樂。王以下。

各官排班。聽贊行一跪三叩頭禮。丹陛樂作。禮部。

堂官奏禮畢。王以下各官。出

齋宮大門外排立。恭候

皇帝乘輦出。鹵簿大駕前導。教坊司作還宮樂。奏祐平

之章。

皇帝還宮。

耕藉三十六禾詞

光華日月開青陽。

帝念民依重耕桑。

吉蠲元辰時日良。

青壇峙立西南方。

皇心祇敬天容莊。

欽定授時通考

卷四十九

勸課

耕藉

七

禮成移蹕天田旁。

黛犁行地牛服韉。

洪縻在手絲鞭揚。

三推一撥制有常。

王公卿尹咸贊襄。

耨鋤既畢恩澤滂。

來牟蕎蕎森紫芒。

秬秠三種黎白黃。

糜芑大穗盈尺長。

粢粢糜縻九色糧。

烏禾同收除童梁。

房星晨正呈農祥。

肇新千藉考典章。

蒼龍鑾輅臨天閭。

犧牲簠簋升芬芳。

黃幕致禮虔誠將。

土膏沃洽春洋洋。

司農種稔盛青箱。

率先稼穡爲民倡。

五推九推數遞詳。

甸人千耦列雁行。

自天集福多豐穰。

華薊赤甲秬稗秬。

稷粟堅好碩且香。

五菽五豆充隴場。

蜀秫王黍兼東廩。

雙岐合穎邊理疆。

千箱萬斛收神倉
八區九有富蓋藏
四時順序百穀昌
歡騰億兆感聖皇

皇帝進宴奏雨暘時若之章。

祥開黼座兮布瓊筵
笙歌迭奏兮天樂宣

三推既舉兮賜豐年
五風十雨兮時不愆

優渥霑足兮漑大田
皇心悅豫兮福祿綿

皇帝進酒奏五穀豐登之章。

龍犁轉兮春風生
帝勤稼穡兮供粢盛

戒農用兮勸服耕
富教化行兮百穀成

禾九穗兮麥兩莖
黍稷重穆兮充棟楹

歲登大有兮怡聖情
堯樽特進兮玉醴盈

欽定授時通考 卷四十九 勸課 耕藉 六

勞酒禮飲兮邁鎬京。

皇帝進膳奏家給人足之章。

嘉禾炊饌兮雲子芳
仙厨瓊粒兮七箸香

吾皇重農兮禮肅將
明昭感格兮錫嘉祥

千倉萬箱兮百穀穰
崇墉比櫛兮遙相望

豐亨樂利兮遍八方
家多充積兮野餘糧

含哺鼓腹兮化日長
朝饗夕飧兮壽而康

萬邦同慶兮瘡圖昌。

直省耕藉儀

雍正五年題准耕藉儀注。頒行直省。各擇東郊官地。潔淨豐腴者。立爲藉田。如無官地。動支正項錢。

糧置買民田以四畝九分爲耜田卽於耜田後建

立

先農壇供奉

神牌收貯祭品選擇勤謹農夫二名免其差役酌給口

糧令居

壇西配房看守朝夕灑掃每歲耜耨之日祭

先農壇禮畢各官俱更蟒袍補服省城督撫秉耒知縣

執青箱知府播種府城知府秉耒佐貳執青箱知

縣播種知州正印官秉耒佐貳執青箱播種專城

衛所用正印官秉耒如無屬員卽選擇耆老執青

箱播種耜時用耆老一人牽牛農夫二人扶犁俱

欽定授時通考

卷四十九

勸課

耜耨

九

照九卿之例九推九返農夫終畝耜畢各率耆老
農夫行望

闕三跪九叩頭禮其農具俱用赤色牛用黑色箱用

青色所盛耜種悉從各處土宜卽著守

壇宇農夫灌溉耜田地方官不時勸課將每年所收

米穀及用過粢盛數目造冊報布政司送戶部查

核至各省耜耨日期每年十月初一日頒時憲書

後交欽天監選擇吉期禮部奏請

欽定通行奉天府府尹直隸各省督撫轉飭所屬同日

舉行永著爲令

豐澤園演耜儀

耕耜之前二日。

皇帝詣

豐澤園演耕。是日禮部尚書順天府府尹各率其屬。

穿蟒袍補服。於耕所祇候。青箱穀種。照例陳設。

皇帝御龍舟至。先詣

時應宮拈香畢。至耕所。順天府府尹進鞭。

皇帝扶犁三推。御前大臣侍衛襄事。禮畢。

皇子諸王學習農事。

駕回宮。內務府官員終畝。

欽定授時通考

卷四十九

勸課

耕耜

三

豐澤園演耕。是日禮部尚書順天府府尹各率其屬。穿蟒袍補服。於耕所祇候。青箱穀種。照例陳設。皇帝御龍舟至。先詣時應宮拈香畢。至耕所。順天府府尹進鞭。皇帝扶犁三推。御前大臣侍衛襄事。禮畢。皇子諸王學習農事。駕回宮。內務府官員終畝。

欽定授時通考卷五十 農桑王政之本也

勸課

本朝重農

御製詩文一

聖祖仁皇帝御製

農桑論

嘗觀王政之本在乎農桑。虞舜之命棄曰：汝后稷，播時百穀。禹之告舜也曰：政在養民。水火金木土穀惟脩。殷之考績羣辟，亦曰稼穡匪懈。周以農事開基。至成王之世，制禮作樂，典章明備。彬彬郁郁，然周公所作。曠史所歌。若幽風七月之篇，其道于耜耨趾采桑載績之事，反

欽定授時通考

卷五十

勸課 御製詩文

一

覆不置。何前後聖同一指歟。蓋農者所以食也。桑者所以衣也。農事傷則饑之原。女紅廢則寒之原。小民饑寒迫於身，而欲其稱仁慕義，有無不競，遵路會極，其勢不能。朕嘗躬行三推，以率天下農矣。而敦實崇儉之令，繩督有司，靡不加意。宜乎薄海以內，襁褓之衆，比肩於野。杼柚之聲，相聞於里。庶幾古初醇樸之風，乃逐末者未盡息。而錦繡纂組之文日盛也。中夜求治，怒焉慮之。孟子曰：菽粟如水火，而民焉有不仁。旨哉斯言。使天下之民，咸知貴五穀，尊布帛，服勤戒奢，力田孝悌，而又德以道之，教以匡之，禮以一之，樂以和之，將比戶可封，而躋斯世於仁壽之域，故曰農桑王政之本也。

朕嘗讀雅頌諸什。其時之公卿大夫士。罔不盡力於田畝。而其東作西成之景。至被諸管絃。升歌清廟。豈非以其事爲國之大務耶。間考其義。若生民之詩。芾厥豐草。是去稼之害也。甫田之詩。或耘或耔。是雖稼之本也。良耜之詩。荼蓼朽而黍稷茂。是厚稼之生也。其詳且盡若此。朕軫念農業。每巡省畿甸。時而春也。則觀其播種之函活。時而夏也。則觀其良苗之懷新。時而秋也。則觀其穀穗之穎粟堅好。用以親民。亦因假以自樂。非若周成之於幽風。徒得之矇誦而已。然竊計其自春而夏而秋。寒暑遞遷。嗟我農人。其間芟薙之功。滋培之力。蘊崇之

欽定授時通考

卷五十

勸課

御製

二

方。棄匪類而殖嘉禾。如詩人所云者。朝斯夕斯。不遑啟處。累閱月而穀乃告登。甚矣稼穡之艱。習焉而後知之也。雖然。世顧有耕而得餒者。原其初。非不耒乃鑄播乃種。而始勤終惰。污穢弗治。稂莠弗剪。苗在草間。迨乎秋期。十無一穫。豈地土之不宜。天時之不善哉。咎在害稼罔辨。而養夫稼者未博其功也。噫。治稼之道。可通於治天下矣。

論井田

三代井田之法。寓兵於農。正易所謂容民蓄衆也。自兵農旣分。勢難復合。後世有欲於曠閑之壤。倣古行井田之法者。不惟無補於民。正恐益滋煩擾。天下事。與一利。

不如去一弊之爲愈。增一事。不如省一事之爲得也。

古者田以井授。人皆自耕其田。故室家殷阜。而鮮失業遊食之民。後世富室之田。跨連阡陌。貧民代爲耕耨。是以素無蓋藏。一遇水旱。遂致遊食四方。流亾載道。亦勢使然也。

嘗讀詩至大田之什。曰。去其螟螣。及其蝻賊。無害我田穉。田祖有神。秉畀炎火。則知古人之惡害苗也甚矣。註曰。食心曰螟。食葉曰螣。食根曰蝻。食節曰賊。昔人又云。此四蟲皆蝗也。而實不同。故分別釋之。且蝗之種類最易蕃衍。故其爲災在旬日之間。夫水旱固所以害稼。或

欽定授時通考

卷五十

勸課

御製

三

遇其年禾稼被隴。可冀有秋。乃蝗且出而爲災。飛則蔽天。散則徧野。所至食禾黍。苗盡復移。熒熒小民。何以堪此。古人欲弭其災。爰有捕蝗之法。朕軫念民食。宵旰不忘。每於歲冬。卽布令民間。令於隴畝之際。先掘蝗種。蓋是物也。除之於遺種之時則易。除之於生息之後則難。除之於穉弱之時則易。除之於長壯之後則難。除之於跳躍之時則易。除之於飛颺之後則難。當冬而預掘蝗種。所謂去惡務絕其本也。至不能盡除而出土。其初未能遠飛。厥名曰蝻。是當掘坑舉火。以聚而驅之。殲之。昔姚崇遣使捕蝗。以詩人秉畀炎火之說爲証。夜中設火。火邊掘坑。且焚且瘞。蓋祖詩人遺意也。又晨興日未出。

時露氣沾濡。翅溼而不能飛。掘坑以驅之。尤易爲力。漢
平帝時。詔捕蝗者。詣吏以斗石受錢。朕區畫於衷。務弭
其害。每歲命地方官吏督率農夫。於冬則掘蝗蟪之種。
母俾遺育於土中。或時而爲災。則參用古法。多方以撲
滅之。計其所捕多寡。給錢以示勸賞。古人有言曰。螟蝗
農夫得而殺之。爲其害稼也。以是觀之。捕蝗之事。由來
舊矣。但自古有治人。無治法。惟視力行何如耳。苟奉行
不力。雖小災亦大爲民患。朕故詳指其義。爲說以示之。

祈穀壇頌

有序

嘗觀古之明王。必嚴於敬天。隆於尊祖。誠於養人。惟
其敬天故饗帝。尊祖故崇配。養人故重農。而上辛祈

欽定授時通考

卷五十

勸課

御製

四

穀厥義備焉。蓋陰陽順。風雨調。災沴不生。五穀成熟。
斯比戶可封。然後寬刑簡賦。導以禮樂。躋之仁壽。苟
陰陽失序。風雨不時。則五穀傷矣。五穀傷而民饑至
矣。修粢盛而奏馨聞。將何藉焉。予肅將禋祀。每遇薦
享大典。備極誠敬。期於孚格蒼穹。爲羣黎禔福。幸海
內稽事。浹歲順成。卽間邁徽祲。而補助旋施。有秋泮
至。豈非

上天粒我烝民。而默佑予一人。以無疆之休哉。仰戴

帝慈。莫可名喻。聊摠感忱。作爲頌曰。

皇矣

上帝。仁覆萬國。靡物弗懷。鑒於有德。古聖聿修。昭事建極。

元日殷薦。爰祈粒食。藐躬受命。精意以禋。大圻體方。郊丘象圖。屋而大享。典禮均虔。外至必主。本祖本天。巍巍三聖。陟降攸格。盡志對越。百神其懌。曰潔豆籩。曰崇圭璧。匪祝一身。爲民請澤。惟

天鑒觀。愛我兆人。宜夏而夏。宜春而春。和風應節。甘雨司辰。災螟罔作。瑞穗含醇。豈止郊畿。式暨五服。哻哻疆理。何土不淑。嶷嶷黍稷。何產不熟。造化靳施。伊誰能育。啟蟄而耕。納稼而場。于耜于趾。我倉我箱。詎曰農夫。實予之慶。上下交裕。藉此豐穰。民則不知。予敢忘賜。湛恩汪濊。頌思奚置。歲歲吉蠲。竭誠肆類。庶其眷之。永錫樂利。

知稼軒銘

欽定授時通考

卷五十

勸課 御製詩文

五

史書大有。惟國之瑞。食爲民天。邦本所繫。西苑有廬。茅簷土砌。風雨攸除。桑柘翳翳。農祥乘春。南榮晨蒞。歲云秋矣。流火西次。於焉占星。以戒農事。物養於蒙。禾保於稗。驗其勾萌。在晦明際。雷雨甲坼。剛柔並試。灌溉爲仁。芟薙爲義。二者不廢。穎粟可冀。歲之歉穰。人力是視。儻違其時。饑寒或遺。閔茲農夫。終歲勞瘁。在昔有邵。嘉種手藝。採入幽歛。咏及纖細。用銘斯軒。庶幾此志。

刈麥記

塞外地寒。最宜禾黍。邇來中外一家。版圖萬里。朕避暑山莊。歷年已多。今百穀齊成。與內地相似。不過遲十數日而已。故種麥者頗蕃。山莊苑內。麥穀黍稻皆寓焉。從

來稼穡之艱。不可不知。亦不可虛設。朕念切民依。痼瘵一體。年近七旬。精力漸衰。扶杖而閱耕種。臨畦而觀刈獲。遇雨暘時若。則收割之際。蒼顏野老。共慶有秋。黃口稚子。無愁乏食。此朕一時之真樂也。五十四年夏六月小暑。乃苑中刈麥之候。薦新觀成。如雲表盛。晨氣曖風。秀漸標奇。遠聞各省。麥秋相同。此目前之實景也。孔子云。吾不如老農老圃。孟子云。從其大體爲大人。從其小體爲小人。農夫足食則樂。天下至廣。兆民至衆。天時之不齊。地脈之不一。吾之樂民有食也。以目前之實景。而且不能必其盡同。又如此。嗚呼。豈如田野村夫。憂樂止繫於身家。而計慮不及於遠大乎。故心之勞逸。不可同。

欽定授時通考

卷五十

勸課

御製雙

六

日而語也夫。

春雨賦

神籥細縕。化機和煦。元氣上融。醲膏下聚。首五行者曰水。潤萬物者曰雨。于時蒼祇蒞節。青鳥司晨。餘寒未斂。禁火方新。風輕颺以習習。雲密布而鱗鱗。垂九霄之嘉澍。飛四野之甘津。始觸石以吐液。旋彌空而散澤。初曳縷以吹絲。繼綠雷而滴墀。乍密還疎。欲斷又續。拂宇披檐。挹川注谷。旣磅礴而淋漓。亦瀾漫而滲漉。裊綺埒之明璣。流銅池之文黻。木欣欣以向榮。草萋萋而如沐。若夫祖畛祖隰。是藁是穠。陸麥漸秀。田禾始苗。廣地道之發育。資土脈之沃饒。雖沾體而塗足。幸渥葉而濡條。况

乃灌溉神州。濺汪赤縣。無遠弗屆。靡幽不遍。灑郊牧而歡呼。浹寰瀛而舞抃。慶玉燭之長調。喜豐年之屢見。夫惟天地之德。廣大無私。春生夏長。雲行雨施。寓栽培於無意。普美利於不知。植品物以咸若。舍細大而莫遺。所以解澤旁皇。湛恩深厚。覆被民生。惠鮮隴畝。興有滄於三陽。敷仙霖於千耦。世竝享夫豐亨。俗咸登於仁壽。洋洋乎造物之弘功。予一人乎何有。聞雨旸之益。喜農桑賦并序。

桑賦

并序

朕巡省浙西。桑林被野。天下絲縷之供。皆在東南。而蠶桑之盛。惟此一區。近在宮中。刻爲耕織圖。每示司牧。使知其艱苦。今更爲賦以託意焉。

欽定授時通考

卷五十

勸課

御製

七

伊彼條桑。其葉始黃。春日載陽。綠陰乃披。紫陌上兮嫋嫋。綺岸側兮垂垂。來璧旭之晨照。受光風之午吹。影映帶兮青翰。色彷彿兮翠旗。旣扶疎而相亞。復低昂而參差。念蠶事之欲動。正芳候之如期。聿茲女紅。生計是賴。采采盈筐。慎加覆蓋。虞日煦之少潤。防雨頻之爲害。儻薄蘆之不繼。時憂心之旃旃。虔飼食之維勤。勞形神於塵埜。摘曉露之輕滋。乘良月之新蓄。望千畝之閒閒。實蠶家之弘賚。誠黼黻之必資。繫袞職之用大。其重等於苗稼。爲王政之不外。予恆恐其難知。作深宮之圖繪。至夫厥貢著於尚書。沃若詠於篇什。公室見說於禮經。牆下屢申於孟集。試古訓之歷稽。又民務之應急。若乃訝

爲神木。騁以青華。末照是晞。甘棣如瓜。馴雉表異。黃鳥稱嘉。雖景物之堪娛。咸無關於大家。夫其詫幢幢之高。蓋奕亭亭之奇樹。靈根依倚於十洲。巨跡遂闢於周宇。類齊諧之荒唐。皆予今日之所不取也。聊因清晏。簡牘是書。用示遠邇。是溉是鋤。共知愛護。種繞其廬。蠶桑農穡。安寶璠璣。

春時巡近郊。憫農事有作。畢具姑。芳郊景物麗。淑氣扇暮春。靈雨應良節。光風薄嘉辰。省耕已屆候。夙駕方來巡。前驅列式道。羽衛羅勾陳。時有田間子。荷耒披車塵。譏訶勿頻數。疾苦當咨詢。千耦幸終畝。二誦猶懸困。穠蓂爾勤動。痲痺予隱親。賜賜出泉欽定授時通考

卷五十

勸課

御製

八

府。拊循屬官臣。行潦有挹器。冽井無枯津。所惠良未徧。嗛嗛愧斯人。

夏早步禱

南郊喜雨

歷春憫農勞。首夏望嘉穀。離畢月故遲。密雲去何速。顯穹闕膏澤。及此祈年夙。齋居承穆清。中夜起自肅。繁星麗赤霄。雲漢光自煜。雞鳴開重闈。輿馬輟華轂。步禱升郊壇。祠官啟太祝。是時甘澍零。霑潤及拜伏。空濛迫閭闔。噴薄驅海瀆。屏翳灑道迴。滲漉足裳服。麥隴應秀色。重穎欲在目。願惟歌屢豐。餘粟棲比屋。

秋日出郊觀稼

秋氣日寥迴。萬象皆蒼蒼。朝暾被渥露。草木含晶光。西成方屆候。農事將築塲。於焉省斂獲。令典重百王。輕軒屏前置。夙駕無嚴裝。郊原一以眺。煙樹紛成行。微風散深樾。清流抱迴塘。土脉秀且沃。篝車鬱相望。新鎌粲如月。刈此溪雲黃。招拾復何幸。遺秉滿道旁。鳥雀互翔集。婦子咸悅康。行將吹葦籥。報爾千斯箱。眷言三時勤。艱難詎可忘。茫茫視九壤。豈盡歌豐穰。二鬴苟不充。予饑怒如傷。幸茲樂有年。時若雨與暘。勗哉慎所麗。田功庶無荒。

喜雨詩十六韻

并序

朕撫御天下。每以民生爲念。夙興夜寐。無時少懈也。

欽定授時通考

卷五十一

勸課

勸農

九

歲在丁卯。自春涉夏。蘊隆少雨。日更增甚。麥秋期至。農事堪憂。傳曰龍見而雩。謂建巳之月。萬物始盛。待雨於天。今當雨不雨。或人事之未脩。朕躬之有過歟。亟命重臣。凡國計憂戚刑名錢穀。但有關於民者。再三講究。有言在京臣工。鑄級過多。皆賜復還。可以致雨。以及戲館秧歌之細事。無不曲盡議論。迄於五月。憂心如焚。減膳撤樂。端居省過。將以明詔布告天下。思所以挽回天意。詔下旬有餘日。或膚雲方集。輒阻燥風。或微霖纔施。旋升杲日。昔人遇災而懼。側身脩行。欲銷去之。况茲不雨乎。朕以涼德。臨億兆之上。爲民之誠。天日可鑒。欲躬詣郊壇致祭。諸臣亦以爲請。

因命禮官。諏吉具儀。齋戒肅穆。步禱

上帝。始齋之晚。密雨濡潤。祭之日。雷雨交作。自茲間日而雨。徧四郊。田野霑足。朕先憂而飲食俱廢者。爲民也。旣雨之後。喜而舉手加額者。亦爲民也。今天不遺斯民。禱而賜之雨。使得不愧三公九卿之請。朕之幸矣。故賦喜雨詩以抒其懷。

體國爲民事。憂勤固在斯。驕陽春旣盛。膏澤夏愆期。省刑書每下。請雨令頻施。雲未油然而作。風偏颯爾吹。芄芄苗欲槁。細細草將萎。翹首瞻青漢。焦心對赤墀。圓扉重舉滯。旃屢幾疇咨。齋祭祈神鑒。精誠只已知。誰云天最遠。於是聽能卑。默處敬居日。恭虔步禱時。微衷慙上格。

欽定授時通考

卷五十

勸課

御製

十

大化喜潛移。霽霈滋南畝。飄灑徧九達。黷隳陰陽協。滂沱渥澤垂。田家還自樂。朝野共吟詩。從此煩襟滌。由來百志熙。願同茲砥礪。參贊奉無私。

蠲江南逋賦并序

江南屢年逋賦二百二十餘萬。逐歲帶征。聞吏民頗以爲累。朕志存約己。弘澣衣菲食之風。事期裕民。師挹彼注茲之義。特頒詔令。悉與蠲除。國家財賦東南重。已責蠲租志念殷。膏澤何妨頻見渥。普天願與樂耕耘。

憂旱憶民事作

仲夏炎曛盛。德涼時未和。驕陽因六事。亢旱最三河。

為天下民以食為重。天將風更多。憂勤難暇顧。惟誦憫

農歌。野蠶閩南味。公劉華清蠶。晉國法。冬到蠶事。

冬菜畦。野田園。其盈。雨。蠶。晉。國。法。冬。到。蠶。事。

東南農事已春深。菜隴花開滿地金。獨愛小民勤力作。

馬頭堪慰省方心。蠶事。晉。國。法。冬。到。蠶。事。

春雨桑林乍綠蠶。事方興。詩以嘉之。

彌望桑林吐葉垂。枝嫩碧初勻。竹舍正殷蠶務。天工雨

露維均。謝桑葉。博。蠶。

人。董。暢。春。園。觀。稻。時。七。月。十。一。日。也。

七月紫苾五里香。近園遺種祝禎祥。炎方塞北皆稱瑞。

稼穡天工樂歲穰。

欽定授時通考 卷五十 勸課 御製詩

東澤靜明園喜雨

西山初夏玉泉清。暮雨隨風滿鳳城。四野皆霑比屋慶。

八荒盡望樂豐盈。神。農。以。志。自。出。

霽。岸。側。桑。葉。初。碧。

夾岸青青遶御舟。濃桑初茁滿村謳。省方遍問蠶家苦。

春雨連綿盡日憂。事。方。興。勸。課。蠶。事。

東澤麥秋盈野志喜有序

東歲次癸未夏至。有事於方澤。齋戒。自暢春園進宮。見

麥氣盈秋。田園茂盛。雨暘得時。稼穡有望。從來北方

雨澤。豔陽清和之際。每每難得。皆因去冬陰雪連綿。

自春至夏。未欠甘霖。所以草木花果罔不豐榮。人心

穀價罔不和平。故志喜而爲詠。

去冬盈尺雪占年。今夏脩脩麥隴全。萬畝皆齊誕降穀。
千家秀實已登阡。先憂暘雨惟民疾。後樂時豐紀玉牋。
志喜雕蟲晚學愧。薰風南至影花甌。

康熙四十二年夏秋間恆雨爲菑山左尤甚朕夙

夜靡寧宵旰焦勞減膳撤樂坐不安席自冬至

夏自夏至秋未嘗晷刻少安雖設法拯救幾乎

難保幸四十三年二麥大熟秋成頗佳饑者未

轉溝壑窮者皆得衣食實非朕之涼德所感賴

上天之所鑒祐也故喜而不寐作長歌以示

璇璣玉衡齊七政。祇懼敏德天眷命。百志惟熙亮天工。

欽定授時通考

卷五十

勸課

御製詩文

七

六府三事須主敬。天地無私本至公。人事有違失五正。
水旱從來不可測。全賴有司勉安定。癸未夏秋恆雨頻。
二麥秋禾皆沒淪。州縣無策萬姓逃。父子流離呼蒼旻。
奏疏紛紛連早夜。手書的的察憂貧。蠲賦蠲賑詔數下。
民食維艱豈不詢。截漕施惠恐不及。遣官分養誠沾均。
人力雖盡惟特難。唯天至仁不絕食。甲申春夏風雨調。
麥隴脩脩衆喘息。夏苗徧野雙穗多。輿情顏解去菜色。
山左編氓閒且樂。畿南黎庶喜而康。從此休息須謹慎。
防災備患豈有傷。閑邪存誠勉官吏。清廉奉職守封疆。
民脂民膏供爾祿。痛癢莫知悞籌量。宗子家相同胞義。
勿使叢脞述職方。

器曰五月上旬避暑熱河塗中喜麥秋盈野雨暘得時
畏暑乘輿出鳳城。麥秋預卜望庚晴。千村共飽連年稔。
萬井同歡比屋盈。谷有靈泉山脈壯。道無峻嶺馬蹄輕。
移風易俗先忠孝。蕃息編氓在厚生。

四野春耕阡陌安。徐牽密纜望河干。土肥原係黃沙過。
永定河泛濫之際。通地黃水。自洽河之後。得以耕種。辛苦先年。挽異瀾。

至景雲密布瑞雪鋪地至十三日未止書云立
春與元日同占乃收成之兆故喜民有足食之

欽定授時通考

卷五十

勸課

御製詩

五

慶朕慰宵旰之憂賦五言排律以紀其事

問夜何嘗歇。殷勤六十年。歲華催短鬢。寸晷惜擔肩。豐
歉無推數。平成在事先。人安爲國瑞。穀熟是民天。慚撫
陶甄治。思將法令蠲。雲濃春氣早。風靜漏聲傳。南陌銀
花徧。東郊繡壤連。管絃喧里巷。燈火接山川。不爲私情
擾。寧航寶饌延。祇期民俗厚。敢詡治功全。禮讓傳家教。
詩書戒往愆。翠煙籠畝畝。泛泛潤桑田。

去歲三冬有雪至三月間農忙之際二十七日夜

雨竟夕喜而成詠
滋麥如酥雨。空濛入土膏。心同黎庶苦。目盼紫壇高。任
器已知重。安人寧避勞。春愁暫且釋。黠黠付揮毫。

五 賦得隴麥雨臨藹果對感林風塵與空葉枯
節遲穀雨後。田麥始分畦。已送花開盡。難將春事稽。純
陽時序近。餘潤化成齊。未卜陰晴適。先期輯庶黎。

六 日小滿後偶旱塗中祈雨四月十三日甘霖大霈
夙夜愁懷春夏間。天時難信未怡顏。平原晚麥織莖槁。
四野新禾旱色殷。乍起雲光連嶺岫。先垂雨脚遍人寰。
共沾甘澍敷膏澤。民食方知稼穡艱。次迎出此入知不
豐憂題新安道上

滿目平川映遠空。身形少健一衰翁。社前荷鋤爭春暖。
隴畔扶犁趁晚風。雨澤深邀天地德。耕桑還賴穡人功。
京南每出同村叟。總得陽和一氣中。

欽定授時通考

卷五十

勸課

御製

古

京南久旱無雨夙夜徬徨夏至前方得普霑

喜雨雖云快。豈無久旱由。望雲待旦起。問夜數更愁。霹

靂偏稽候。

雷遲小滿後方有聲

風霾任作尤。西成登穀後。方慰憫

農憂。

豐登者朕之獲福。歉收者朕之失政。出此入彼。不

可謂能自恕。故作近體一律。以自遣。

喜兩人同我不然。總總宵旰待豐年。千村時若千村慶。

一日恆暘一日愆。率土盈寧難並得。普天恩澤豈兼全。

先憂後樂何能遂。衰景殘齡祇自憐。

京中報到霖雨普霑

亢陽愁久旱。霖雨滿溝渠。倏忽枯枝潤。須臾卷葉舒。千

村勤穰穰萬頃促犁鋤企望收成後欣看穀賤書

世宗憲皇帝御製

孟秋扈報歸六言

蹕觀稼恭紀

殿角微涼起幽歌大火流蓮房新墜粉梧葉早驚秋玉
露滋芳甸金風入畫樓
聖心勤稼穡躬自省西疇

田家卽事二首

沙磧高低禾黍盈羣飛銅雀繞田鳴竹弓蒿矢堪驅嚇
漫向黃雲試射聲

其二

欽定授時通考

卷五十

勸課

御製詩

五

戍烽罷舉息征塵肆力耕耘屬幸民榆柳陰疎秋社近
緣邊笳鼓賽田神

扈

駕觀麥

雨潤郊原奉豫遊勤民

御輦向西疇搖空翠浪沍云起覆隴黃雲冉冉浮三白降
穰占歲稔兩岐擢秀應農謳佇看比屋連耒動擊壤聲
中麥有秋

田家四時詞六言

春賦

陌頭楊柳初放溪上桃花欲燃處處青鳩呼雨家家黃

犢耕煙。牧童羣嬉挑菜餉。婦自解撐船。借問浪遊城市。何如樂業村田。畝田劬辛苦豈覺堪若可堪。

帶露葉盈蠶箔。翻雲麥熟田家。白水千塍秧馬。綠陰幾戶繰車。日午鳴蟬遠近。風薰飛燕橫斜。男女適均勞逸。相逢只說桑麻。

風露微涼天氣。四鄉一派秋光。蕎吐東阡雪白。禾香南畝雲黃。青刈園蔬足雨。紅收林實經霜。舉室欣逢樂歲。商量築圃登場。

欽定授時通考

卷五十

勸課 御製詩文

六

靄靄炊煙茆舍。霏霏臘雪柴門。闌靜閒眠羔犢。籬牢安穩雞豚。夜織梭鳴啞軋。朝春杵韻喧繁。賽社爭擲祭鼓。歌呼新釀盈盆。

茅屋踈籬翠蔓牽。繞籬桑柘翳平田。村中斑白閒無事。隴上青黃喜有年。比戶機梭鳴月下。一家兒女聚燈前。

那能更羨公侯貴。蟹美魚肥稻熟天。星窺織火。渠水界田吟。辛苦農蠶事。歌詩可繫幽。

菜圃

鑿地新開圃。因川曲引泉。碧畦一雨過。青壤百蔬妍。潔
愛沾晨露。鮮宜潤晚煙。倚亭閒佇覽。生意用忻然。

耕藉

農事惟邦本。先民履畝東。翠華臨廣陌。綵輶駕春風。禮
備明神格。年期率土豐。勸耕時屨慮。敢爲惜勞躬。

三月三日得雨

三春淑氣動萌芽。膏雨知時四野皆。東作共看霑溉足。
西成咸慶歲時諧。柔桑陌上青含秀。穉麥田間綠正佳。
竚覽霏霏飄灑意。眷予兆庶少杼懷。

耕藉詩有序

禮。天子爲藉千畝。躬秉耒以耕。所以敬祀典。重農功。

欽定授時通考

卷五十一 勸課

御製詩文

七

示先民也。稽之月令。每歲孟春。古帝王實從事焉。我
聖祖冲齡踐祚。越十一載壬子。始行耕藉禮。夫藉以敬
天重農。而

聖祖在位六十餘年。宵旰憂勤。靡時或釋。凡立心行政。蓋
無刻而非寅畏。昭事之誠。無事而非勞民。勸相之實
也。是以家給人足。時和年豐。而成長治久安之天下。
朕繼統之次年甲辰春。旣率屬僚。躬藉南郊。今歲乙
巳。復舉行焉。是日也。靈雨旣零。春陽初霽。履我阡陌。
秉耒耒耜。三推禮成。兆庶歡洽。傳曰。先之勞之。又曰。
無倦。斯典也。朕非欲爲一時之盛觀。亦非欲博千載
之美名。况大典非炫耳目之具。而飾名之事。又朕素

聖祖重農家法。率吾民敦崇本務。而與臣工敬勤無倦。以庶幾康阜之成俗也。并紀以詩。

蒼馭千官引。乘時事耜田。從來重稼穡。何敢惜勞先。履畝迎膏發。羣公繼耦聯。所祈同億兆。歲歲介豐年。

其日耕耜

無逸農功重。幽風穡事先。方春勤夙駕。乘令爲親田。夾隴千官肅。扶犁百辟聯。禮成終畝後。父老慶豐年。

喜雪

夙夜期瓊屑。三冬日見晴。省修求直諫。祈禱秉精誠。瑞雪春時降。彤庭喜氣盈。

欽定授時通考

卷五十

勸課

御製詩

六

蒼旻仁愛普。億兆荷生成。

朕因去冬未雪。憂懷莫釋。夙夜竭誠。祈禱於驚蟄。後二日。荷蒙

上天鑒佑。春雪下降。朝野同歡。因成一律。用誌欣慶。

霖霖愆期。憂歲儉。臨軒愁詠。憫農歌。三冬望雪。心如渴。此日飛靈氣。始和。

蒼昊垂慈。施愷澤。黔黎有幸。沐恩波。遙思九土。應同慶。積素凝華。知幾多。

多稼軒勸農詩

夜來新雨過。畿甸綠平鋪。克盡農桑力。方無餓殍虞。蠶筐攜織婦。麥飯飽田夫。坐對春光晚。催耕聽鳥呼。

欽定授時通考卷五十一

勸課

本朝重農

御製詩文二冊對觀數金善鍾之此園固欲使農而
皇上御製不重費田體天不使強農之益善農之

豐澤園記

西苑宮室皆因元明舊址惟豐澤園為康熙間新建之
所自勤政殿西行過小屋數間蓋

皇祖養蠶處也復西行歷稻畦數畝折而北則為豐澤園
園內殿宇制度惟朴不尚華麗園後種桑數十株聞之
老監云

欽定授時通考

卷五十一

勸課

御製詩文

一

皇祖萬幾餘暇則於此勸課農桑或

親御耒耜逮我

皇父纘承丕業敬

天法

祖世德作求數年以來屢行

親耕之禮皆預演禮於此乃知

聖聖同規敦本重農用躋天下於熙皞之盛若瀛臺之建

於有明飛閣丹樓輝煌金碧較之此園固為美觀而極

土木之功無益於國計民生識者鄙之行一事而合於

天心建一園而洽於民情身率先而天下丕變吾於是

乎知

皇祖

皇父之爲首出之聖也。

田字房記

流杯亭之西南有田字房焉。丁未四月十八日。其父
皇父萬幾之暇。燕接親藩。遊豫於此。是地也。西山遠帶。碧
沼前流。每當盛夏。開窗。則四面風至。不復知暑。其北則
稻田數畝。嘉禾生香。藹聞於室。蓋我皇祖之德而附焉。
皇父重農之心。雖於燕閒遊觀之所。亦未嘗頃刻忘也。古
昔聖王臨朝視政之暇。必有怡情娛覽之地。故靈臺之
詩。美文王也。卷阿之詩。頌成王也。今田字房所以命意
重農者。豈徒怡情娛覽已哉。至若黛掃山顛。風來蘋末。

欽定授時通考

卷五十一

勸課

御製詩

二

麥畦浪起。柳岸煙開。馴鶴從容而起舞。文鴛匹偶而泳
遊。蝶裁五色之文。蜂喧萬花之谷。物華景麗。則思飲和
食德。熙穰於光天化日之下。而怡然以樂。其或涼飈四
起。鴻雁來賓。白露如珠。綠雲改赤。千家之砧杵遙聞。百
室之倉箱盡實。則思遺秉滯穗。誰遺寡婦之利。而悄然
以憂。時引儒臣坐而論道。或率諸王公子弟。修家人之
禮。講燕好之歡。所觸目而會心者。我皇祖西山靈臺
皇父之同憂同樂。憩息於斯。較之靈臺卷阿。意更深長矣。
謹爲之記。

時應宮記

夫天一生水。坎精發祥。凝靈聚液。流爲江海。江海乃天

地間物之最鉅者也。江海之有神。自三代漢唐以來。莫不祠祀。惟謹。有宋大觀四年。詔天下五龍神並封王爵。龍神之尊。自是始。厥後春秋犧牲之祀。代有常典。

皇清受

天命。禋祀

上帝。后土。懷柔百神。江淮河濟五岳四瀆之祀。載在太常。犧幣之數。俎豆之器。既豐既隆。神歆以格。雍正二年。天子以爲龍神之位既尊。宜特修宮觀。以致虔禱。乃於西苑內。豐澤園北。建時應宮。所以致誠明神。俾雨暘時若。稼穡以成者也。夏六月。霖雨彌旬。幾至於澇。

欽定授時通考

卷五十一

勸課

御製

三

皇父步行往禱。其日卽晴。又明年。黃河清百餘里。此非神人効靈。河海清晏之明驗乎。夫以

天子精誠通於神明。以之事

天饗

帝。罔不昭格。而况於龍神乎。信哉誠之能感物也。是爲記。

耕藉賦 并序

皇上御宇之五年。青帝司方之二月。春風普扇。陽德方亨。天子乃耕於千畝之田。禮也。臣聞聖王務本。耕藉以勸農

功。明主孝親。親推以供祀事。我

皇上孝以事

親。勤以率民。二載甲辰。既耕加一。茲又

躬行耕藉之禮。急粢盛。重民食。致誠匪懈。其典則隆。洪惟我

皇上道洽天人。化霑草木。誕敷文德。廣運聖謨。渥澤周於羣生。至治昭乎天壤。乃猶頻興重農之典。時勤保介之容。追厥唐虞播種之踪。爲彼率土民人之勸。萬衆觀儀。上農終畝。迨厥秋成。登於天廩。薦之

皇天。供於

祖考。臣知

皇天

祖考鑒

皇上之精誠。歆

欽定授時通考

卷五十一

勸課

御製

四

皇上之大孝。必錫嘏降祉。永保無疆。明德惟馨。聿懷多福。

臣不勝踴躍懼忭之至。謹拜手稽首而獻賦曰。

緊惟重華之命稷兮。播穀實繼乎禹功。必烝民之粒食兮。始風動而時雍。親耕肇於姬籍兮。意往聖之皆同。我大君之首出兮。屢三推以勸農。豈玉食之是享兮。惟簠簋之虔供。

秉耒耜以率先兮。符澤物之元功。於是春陽初布。青帝司方。嘉萬物之昭蘇。值千卉之勾萌。農祥既見。土脈方昌。協風應律。陽氣滋彰。

皇帝乃順月令。撫嘉辰。念民力。飭甸人。當前期而致敬。用有事於青春。於焉載師清畿。封人淨路。常伯獻儀。掌舍

設柵。爾乃青壇蔚其聳立。華葦森其崔巍。雲移翠幕。柳拂青幃。啟千畦之平壤。欣四塗之腴肥。逮夫元辰既屆。曉色方鮮。

天子則御藻冕。佩蒼琬。被龍裘。鳴和鸞。載青旂。揚朱旒。接游車之麟麟。施梁輶之芟芟。爾乃稷宮將近。樂具班陳。天子乃降御輦。饗農神。祈嘉穀。焚燎薪。禮成而退。有事藉田。衣被襍裊。躡履陌阡。王侯衛後。虎賁導前。太僕秉轡。牽牛奉鞭。乃歷廣場。撫御耦。執縻手底。不辭瘁乎三推。載耒御間。試躬親乎千畝。王公卿貳。或五或九。白叟黃童。歌呼奔走。維誠敬之聿昭。知樂愷之孔厚。於是黛帟方輟。紺轅遂旋。雨廉織以灑潤。風縹緲而淨天。侍從偕來。略

欽定授時通考

卷五十一

勸課

御製

五

天顏之有喜。馨香上達。卜慶兆於豐年。夫元鳳下親耕之詔。永平垂開耜之篇。魏主望公田而發趾。晉帝帥羣后以祀先。尚傳爲古今之盛事。並書之史冊而爛然。况乎我

皇至仁大知。旣事治而府修。亦成天而平地。修稼穡以勤民。謹神倉而葺事。所無逸以知艱。重明粢而將祭。三春暖兮播百穀。四野寧兮進雙穗也哉。乃爲之歌曰。田之興兮稷之功。澤萬物兮助鴻濛。我

皇展事兮。千耦其同。和協天人兮。一哉。

皇衷旣耕旣耨兮。我稼其豐。爰播爰植兮。麻麥幪幪。又歌

曰。思樂旬畿。千頃其耜。

鸞輅載臨。

躬耕其畝。登於秋廩。斯箱斯倉。薦之

宗廟。供之明堂。神之格思。綏祉無疆。

一人有慶。永奠萬邦。

喜雨賦

客有駕輜軒。乘雲輅。展輪於南畝。縱轡於東郊。遨遊容
與。徘徊逍遙。爾乃白雲起乎空谷。甘霖降於崇朝。震雷
燿燿。飛電嫖嫖。乃往田舍而息焉。有二三老人。逡巡而
前。曰。斯雨之降。時則時矣。膏澤之濡。普而施矣。抑誰之
功乎。請吾子明言以告之。客奮袂而起。曰。猗歟休哉。盛

欽定授時通考

卷五十一

勸課

製詩文

六

世之民也。飲其德而不知其力。坐。吾明語子。方今龍飛
九五。聖人在位。德配乾坤。功參天地。精誠通於神明。政
教化乎萬類。故上天眷命。俾雨暘時若。而萬方以治。乃
致含哺鼓腹。耕田鑿井者。實不知帝力之賜也。老人曰。
聖人之德。某既知之矣。請吾子賦雨之澤。及蒼生者可
乎。客曰。若夫金烏收景。層陰蔽空。雷殷殷以振響。電灼
灼以搖紅。鼓河伯之驚濤。涌海若之幽宮。瀉天池之巨
浸。走萬里之長虹。遠迷三島。近失千峰。迴生意於衆卉。
消渴望於三農。此則雨之方作。而其勢最雄也。乃其雲
開雨止。霽景澄鮮。山宛宛其染翠。木蓊蓊其逞妍。鳥嚶
嚶其鳴樹。草芊芊其含烟。柳暗歸鴉。簷喧乾鵲。槐影濃

今庭宇清。花陰轉兮簾櫳薄。織歌動兮高樓。紅袖飄兮
綺閣。緗帙開兮芸編博。山焚兮繡幕。莫不欣膏澤之滂
澍。喜雷聲之頻落。此又雨之旣足。而萬方共樂者也。至
若烏犍耕白水之涯。黔黎藝綠野之畝。白叟歡呼。黃童
奔走。土脉旣滋兮。禾黍如雲。灌溉不勞兮。田疇以阜。爾
倉爾京。爾荷爾負。此又二三子所終日服事。而知利我
之孔厚也。於是老人倚杖而歌曰。雨玉不可食兮。曷若
嘉苗滿日屯黃雲。雨金不可衣兮。曷若五風十雨利耕
耘。惟天降康兮。稽首蒼旻。惟皇感天兮。永眷日勤。千秋
萬歲兮。樂吾之君。

條桑賦

欽定授時通考

卷五十一

勸課

御製

七

伊春陽之晚晚兮。布始和於東風。百昌欣其向榮兮。女
夷協氣乎昭融。柳苒苒其含綠兮。桃夭夭其暈紅。尋綺
陌而云邁兮。採條桑其始豐。則有長腰健婦。黃髮奚兒。
攜彼筠籠兮。遵微行而纍纍。持此斧斨兮。步遙術其遲
遲。蔚菴龍而豐茂兮。邈洪榮而葳蕤。挺脩綠其端直兮。
上扶踈而參差。韻條風之無聲兮。葉芳青而紛披。泥朝
露以流潤兮。枝遠揚而下垂。於是旣採旣撝。載筐載籃。
留長條之猗猗。取綠葉之纖纖。午靜茅簷兮。列分行之
圓籩。春長葑屋兮。餽八蠶之新蠶。故曰。農莫苦兮農功。
女莫勞兮女紅。歷歲以月。自春徂冬。彼膏梁而錦繡者。
宜思憂樂之異同。

稼穡惟寶賦

天之鍾異物也。石韞玉而山輝。蚌含珠而川媚。金在沙而待披。綃織鮫而成瑞。火齊其木難而交朗。都梁與五木而爭貴。繡毳紅氍。赤羽文翠。固海船之誇珍。亦大賈之網利者也。然而饑不可食。寒豈能衣。惟土物之是愛。乃民命之所依。希代之姿莫匹。連城之價在茲。此聖世之至寶。羌歌咏於周詩。爾其旣耕旣耘。旣方旣皁。沃時雨而霑濡。熟西風而堅好。珠顥滿車兮。無慙照乘之光。玉粒盈倉兮。絕勝瓊瑤之報。故珍重上厪乎一人。而滋培全仰乎大造。爲植物之獨貴。豈異賄之足稱。勤耒耜而莫怠。謹播植而乃成。爰藉亞旅之衆。如施追琢之精。

欽定授時通考

卷五十一

勸課

御製詩

八

力作三時兮。類藍田之種玉。有秋不日兮。誇赤水之求珍。冀千倉與萬箱兮。寧必不貪爲寶。慶崇墉與比櫛兮。懸知有道則生。信饑寒之可禦。陋瓊瑰之爲輕。不假居竒以市。何須韞匱而藏。餘滯穗兮。伊寡婦之利。匪異物兮。實餽貧之糧。故曰。寶金玉者。心勞而鮮益。寶稼穡者。心逸而獲臧。其爲利也最溥。其爲物也孔良。尚計九年之蓄。以期兆姓之康。

多稼如雲賦

出郊原而縱目。愛金秋之氣清。草霏霏而露溼。天寥寥而風生。寒蟬收響。陰蟲載鳴。繡錯溝塍。乍青連而散漫。綺分隴畝。正黃茂以縱橫。酬勤劬於東作。告豐稔乎西

成。遠而視之。如膚寸之出石也。近而睨之。似朝濟之凝碧也。當夫公田旣雨。霑膏澤之調勻。嘉種徧敷。披薰風之順適。厥田上上兮。芒旣抽而散芳。實發芊芊兮。花已飛而帶白。奄觀南畝之收。何異西郊之積。則見夫綿邈鋪川。豐融亘田。層阜遙分。似無心而出岫。千畦遍滿。若竒峰之連天。氤氳散潤兮。旣史書以占歲。曼行流膏兮。果戶慶於有年。豈坻京之足喻。恍蒼蔚之愈綿。於是庠乃錢鏹。築我場圃。以樂農夫。以御田祖。豐滋漫若。且聞束皙之詩。悅茂油然。欣聽籥章之鼓。方苞旣實。慶高廩於茨梁。堅好不秕。喜盈疇之稷黍。故曰。穀爲君寶。惟農是親。遺秉盈場。玉食亦登。其芬潔餘糧。棲畝。金枝轉掩。

欽定授時通考

卷五十一

勸課

御製詩

九

麥秋賦

繫鶉火之司令。疑商金之屆期。影度朱明。始散芳於榴圃。律侵白帝。獨抽穗於麥畦。愛芄芃之連纈。亦離離之下垂。南畝正勤於此日。西成偏紀乎茲時。披梅風而含穎。潤穀雨而雙岐。是蓋四時之代序。而萬物各遂其繁滋者也。乃其堤上鶯啼。隴間雉雊。芳草未歇。而猶霏綠樹成陰。而始就。何銍艾之奄觀兮。當隆曦之永晝。睹黃雲之滿野兮。驚白藏之應候。溽寒露而朝濡兮。潛陰呂而夕秀。雜收斂於長養兮。參結實於紛茂。炎炎當令。碩碩成行。紫莖兮韞爽。青穗兮含涼。大有占而豐登。肇象

兮。中和順而隴畝飛香。對銀縞而偶穗兮。散珠顆而分芒。豈非化工之獨運。而爲盛世之嘉祥哉。

嘉禾頌

有猗者禾。在彼中田。爾農來思。越陌度阡。芟之奕奕。柞之澤澤。五穀旣播。三時無失。載甲載坵。載長載衰。載穰載實。載碩載茂。

帝實顧矣。稷實助矣。風披獲矣。雨灌注矣。綏我屢豐。言呈其瑞。休我

皇風。言多其穗。遠自滇南。近兆

帝藉。匪雙伊九。匪寸伊尺。先民有言。食爲民天。百穀用成。自古有年。

欽定授時通考

卷五十一

勸課

御製詩

十

瑞蘭頌

帝念民依。惟農與桑。孰飢莫食。孰寒莫裳。雕鏤必黜。爰勤三農。纂組是省。用紓女工。

旻天維顯。聿降瑞蘭。瑞蘭維何。萬蠶同簇。曾不經緯。曾不杼柚。苑窳致力。西陵效勤。神功默相。嘉蘭乃成。爾純爾素。匪紅匪紫。爾質爾實。匪錦匪綺。言徵其應。言發其祥。祐此蒸民。成以報章。太平之澤。五十衣帛。夏清冬溫。太和充溢。

蠲租樂擬樂府

勾芒布令。土脈濡。荷犁早向東阡趨。男耕婦織。問時無。料理粟帛。供正需。食毛敢辭。王稅乎。春回葑屋。大澤敷。

小吏旁午捱門呼竊疑督賦驚農夫。却宣王命傳蠲租。
傳蠲租。蠲租樂。新絲纒後新穀登。換取金錢娛老弱。

觀穫

秋聲入園林。涼風動高閣。偶出步郊坰。斜陽照墟落。眎
彼隴畝間。黃雲堆漠漠。錢鏹已早庠。銓艾聲參錯。畦東
與畦西。是處竟秋穫。手刈賽疾遲。背負爭強弱。遺秉與
滯穗。寡婦亦云樂。吾聞四民中。惟農苦莫若。有年穀價
低。歉年委溝壑。卽今豐稔收。租重主人索。益信爲政者。
仁民最先著。

郊園見西成有象卽事志喜

去冬雪盈尺。占之利東作。今春雨如膏。可卜豐登樂。一

欽定授時通考

卷五十一

勸課

御製詩

十一

自入夏來。雲漢光煜爚。崇朝歇甘霖。祝融扇炎灼。

聖皇念民艱。憂勤倍詒度。對越保無斁。

昊天鑒誠恪。未幾三日雨。霑濡徧村落。庭除景色佳。苔痕

茂參錯。那知郭外田。良苗助長若。承

恩獵南苑。平野秋風掠。氣爽馬蹄輕。天高鷹眼矍。合圍出

紅門。更覺郊原廓。行行歷野店。去去穿林薄。中林施兔

置。歇驕奮噬搏。田事亦云畢。農夫罷秋穫。眎彼塲圃間。

黃雲堆漠漠。婦子利秉穗。老幼飽藜藿。從識天人理。應

響如鳴鶴。宵旰

聖人心。頓起下民瘼。太平徵有象。永言誌其畧。

望雪行

今年三冬未見雪。同雲若被風吹撤。夜觀望舒如鏡明。
曉看翔陽似冰潔。秋麥全資冬雪培。遙識農家望歲切。
我聞三白兆豐年。望霰先集心如結。上帝穹窿坐玉京。
青女滕六分行列。如何不一駕雲車。試剪飛瓊噴玉屑。
飄飄灑灑頃刻間。利我三農都喜悅。

催耕鳥

條風天宇布。百昌欣韶熙。村原趣已佳。綠水明千畦。秉
耒耕南畝。提壺餉東菑。郭公何丁寧。催耕田畔啼。高樓
嫩柳梢。低喚柔桑枝。分明爲一言。東作當及時。田老聞
之喜。胼胝非所辭。田婦聞之喜。饋饍職所司。但願歲豐
穰。辛苦甘共之。幾度聞此聲。蚤起竭力爲。那似香閨中。

欽定授時通考

卷五十一

勸課

御製

十一

驚眠翻怪伊。

春蔬

春融地氣如膏滑。一畦烟甲隨雷發。檐前小鳥喚春眠。
裊露攜籃勤采掇。早韭初菘紛列盤。清芬細嚼冰齒寒。
淡泊有味取次領。旦晚爲爾還加餐。君不見一食千金
丞相府。猶說區區難下箸。

有鳥

有鳥有鳥名布穀。高喚枝頭村柳綠。村老聞聲急荷鋤。
趁時耕作還相勗。東隣西舍催耕遍。喉吻苦乾飲水曲。
不似籠中雙畫眉。巧言但博主人肉。
有鳥有鳥枝上啼。啼聲風送到深閨。聲聲催織當春日。

織女聽罷顰雙眉。飽蠶方作繭。那易成新絲。新絲還要賣。匹帛安可期。我願拖綾曳錦者。常念茆簷忍凍時。

觀刈麥

麥苗入夏結穗黃。東隴西隴碩且長。老農此日走田忙。腰鎌遍割樂歲穰。笑看黃雲各成片。密莖隨手行行亂。肩挑背負曬檐頭。餽粥有餘他不羨。呼兒莫逐飛來雀。令渠亦識收成樂。

所見

東皇迴星輅。和氣遍六宇。應候百昌蘇。默默春風鼓。皇州景物饒。廣麗洵天府。臨風跨紫駟。緩轡過郊墅。壟上事春耕。停馬問田父。小立汗不乾。向我情畢吐。去年冬不雪。今年春未雨。野老望雲心。此意良辛苦。清晨負鋤出。努力向日午。畝耕次第完。下苗何日舉。我聞田父言。仰望默不語。天心本仁愛。自有元功補。甘霖應在卽。如膏潤沃土。佇俟西成時。萬戶倉箱貯。

灌麥

大麥五寸長。小麥三寸半。地乾苗欲枯。離披隴畝畔。猶幸灌漑便。近傍河之岸。清晨課僮僕。輓轡轉雙腕。初看土溼溼。漸覺流漫漫。須臾苗盡起。生意良可玩。爾僕聽我言。莫怨體流汗。不見萬頃田。農夫徧澆灌。

灌園

種樹圍小園。種菜數畝餘。綠畦足野趣。且復得嘉蔬。春

風千頃浪。秋雨一犁鋤。四時供盤餐。青青藿與茹。今朝柳陰下。課僮轉轆轤。吸彼井華水。灌我珠玉畬。芳坂潤新綠。勃然生意舒。自饒塵外味。何必山中居。

春蠶食葉聲

吳天三月春光蕩。吳蠶三眠蠶更長。陌上新桑葉葉抽。晴窗鎮日風雨響。喚起深閨未畫眉。攜筐急就飼朝饑。流水潺潺箔間落。爽籟瑟瑟簾前吹。日長莫厭耳根鬧。蠶飽絲多足相報。但願今年官絹輸。却免門前租吏到。

秧馬

清和四月新秧綠。一壠分來千壠足。桐馬平馳碧浪輕。鬃鬣森森稻苗束。北人使馬南人船。兩蹄踏破橫塘煙。

欽定授時通考

卷五十一

勸課

御製詩

十四

畦東畦西來往速。插罷農家幾頃田。戢戢青針波欲沒。載驅終日何曾歇。草壁高懸睡老農。好與吳牛同喘月。

五日芒種

南風薰薰麥苗綠。稻鍼出水如新浴。五日天中節物佳。却逢芒種農功促。平湖潏潏欲生煙。角黍蒲尊雜管絃。老農炙背溪田裏。那得閒從競渡船。暮歸偶自街頭走。買得靈符貼門首。但願神貺沛曼陀。指日西成看大有。

村賽曲

老巫伐鼓聲寥寥。冬醅初熟霜柑紅。合家羅拜致虔恭。村村樂事傳幽風。黍稌堆西稻堆東。倉箱萬億快年豐。謝神默佑恩何窮。賽罷福酒先酬翁。老巫牽羊別家去。

來年大有神應助。

種秧吟

池田漠漠薰風起。插秧時節江村美。茅屋家家晝掩門。
一畦新穎浮清水。兒騎秧馬學插秧。壯者手疾力獨強。
老翁背直難偃僕。杖藜督課溝塍旁。晚來共浴前溪曲。
幾堆雲脚出山谷。但願知時甘雨霏。管取今年衣食足。

種豆

清水曲彎環隙地餘數畝。欲觀生意佳。種豆雨晴後。我
適杖策來。試以問園叟。開田良不易。治畦亦勞否。老圃
荅我言。似此亦何有。不見萬頃田。種自吾儕手。赫日雜
炎風。荷鋤忙奔走。歉年委溝壑。豐歲纔餬口。我聞老圃
欽定授時通考

卷五十一

勸課

御製詩文

五

古風

暮出城東門。見彼耘田者。偃僕畦壠間。紅日正西下。揮
汗立片時。薰風散平野。指日卜西成。籌車賽秋社。還憂
租稅重。催迫不相假。終歲事辛勤。農夫獲利寡。

觀刈

秋露零場圃。金風氣蕭索。百穀已告成。呼童庖錢鏹。爲
地只盈畝。頗可驗耕鑿。屆茲西成候。策杖課收穫。轉憶
東作時。雨暘卜時若。入夏秀以實。日中驅鳥雀。念此終
歲勤。亦得一朝樂。園林喜空明。爽氣侵簾箔。撫景獨吟
哦。允矣興所託。

恭和

御製三月三日得雨原韻
知時甘雨動春菱。潤物流膏澤孔皆。綠野空濛生意滿。
平疇霽靄兆情諧。豐亨景象占多慶。晚晚風光喜更佳。
自是

天心馨至治。嘉祥允慰
一人懷。

上幸豐澤園演耕藉禮擬應制十韻

大地陽和灑景韶。潛蘇土脉應風條。洪鈞普扇百昌序。
大造均舒萬物調。

翠輦臨耕旗閃爍。

欽定授時通考

卷五十一

勸課

御製詩

七

金輿載駕玉鍤雕。行行西苑停鑾輅。泛泛天池盪畫橈。
帝未四推膏壤沃。

皇躬一發甫田遙。先期已見寅恭懋。終畝還思教澤饒。種
布期生連理穗。壟開願長九岐苗。追思

聖祖觀耕地。却值吾

皇演禮朝。豐稔歲功九有遍。太和景象萬方昭。放勳久頌
堯功茂。協帝重瞻

舜德超。

賦得卧聽村村打麥聲

夏雨初過已有秋。黃雲片片擁來牟。暖畦錢刈青莖亂。
晴圃柳翻紫穗稠。舍隔西東聲拍拍。戶饒餅餌樂油油。

高齋亦識豐年景。夢蝶窗頭酒一甌。

雉母呼雛隔野塘。北窗初啟學羲皇。田間錦疊千重縵。
隴上濤翻四月涼。塲圃地喧枷板響。隣家風送午炊香。
從容鼓腹堯天裏。爲愧農人鎮日忙。

雍正九年六月 長西風入日 報翠 詩 半 林 蔭 對 晴

上以近畿三省雨澤愆期。豫籌賑恤之策。甘露壘沛恭紀

十二韻志喜

帝念民衣食。端惟農與桑。粒民符后稷。熙績法陶唐。乾惕
通朝夕。中和善弛張。朱明三夏永。甘雨萬民望。
睿慮周三省。

宸衷達九蒼。普天頒惠澤。特地厪諮商。精禱思無逸。殷憂

欽定授時通考

卷五十一

勸課 御製詩文

七

問未央。貯倉施舊積。轉漕截新航。更降停徵。詔。仍頒捐賦章。

恩綸過所望。膏澤應非常。對越何昭爽。誠通自溥將。從知

天佑 天佑 萬國慶豐穰。 萬國慶豐穰。 萬國慶豐穰。

聖。萬國慶豐穰。

秋日播麥新生 農者善 潤 之 策 甘 霖 疊 沛 恭 紀

釐牟遍隴拂參差。正是西風八月時。翠毯乍抽新穎細。
綠波輕泛早苗披。芊芊不畏秋陽暴。靡靡長澍白露滋。
此日種成來歲穫。化工四氣爲全施。潤霖風送千秋香。

辛亥秋九月出南苑行圍以穡事未竣不果獵而

還

還 辛 亥 秋 九 月 出 南 苑 行 圍 以 穡 事 未 竣 不 果 獵 而 還

却翻雲板敲塲圃。錢利霜刀刈大田。一幅幽風圖畫似。
肯教獵騎悞民天。
霜後平原地已堅。青驄不用錦連錢。相逢野老扶兒笑。
今歲豐收倍往年。

東作

東作三春始。滋生萬物稠。公田平似掌。新水綠如油。蟲
捲柔桑葉。針抽嫩穎頭。乘時功力備。多稼定今秋。

賦得好雨知時節

漠漠春雲布。濛濛時雨飛。點空方霽霽。入夜轉霏微。正
助資生德。從知造化機。東郊明曉步。坂上麥苗肥。

村墟夜春

欽定授時通考

卷五十二

勸課

御製詩文

六

霜落園林時屆冬。稻粱全獲罷三農。田家作苦無休息。
更聽村墟半夜春。

萬籟全收夜已分。寒春聲急隔窗聞。高齋識得豐年景。
篆鼻爐香獨自焚。

魚米樹

一名康洋樹出宜興其結子似米則年豐似魚則多水農家以此占年云

春入靈根枝葉抽。嘉名聞道數興州。求魚緣木須防滌。
聚米成林定有秋。砌茨饒他能識湖。庭萱空自解忘憂。
那知望樹占年好。歲歲農家社鼓稠。

湖上田家

湖田上下水漣淪。布穀催耕喚欲頻。最是三春多樂事。
更無閒暇度三春。

宜高地稻宜低。不是田家那得知。水漲溪田千頃碧。
清和天氣揀秧時。

春湖水暖鴨雛肥。傍晚雙雙作隊歸。南畝種完北畝未。
夕陽天末掩柴扉。湖上春歸綠柳濃。湖邊新稻看重重。牯牛卧日松船靜。
半是漁兒半是農。

清曉風和浪不生。一篙煙雨小舸輕。揚鞭堤上尋芳處。
滿幅江鄉畫裏行。

甲寅三月

上耕耜迴鑿迎駕恭紀

昭蘇景物正勾芒。千畝

欽定授時通考

卷五十一

勸課

御製詩文

一九

躬耕典制詳。禹甸三春榮草木。周官六禮煥旂常。均平何
用郊人耨。豐稔遙占太史祥。最是
聖情勤保赤。歡騰父老列成行。

御苑親推步玉田。青旂搖曳引祥煙。

九重雲擁千官仗。萬卉春和三月天。樂奏迴鑿鳴鳳管。禮

成

帝耜紀瑤編。前期時雨霏微灑。早卜寰瀛大有年。

淡蕩和風霽景開。天閑十二駕龍媒。香街幾里花如霧。

繡陌千隄車似雷。華宇共霑

恩澤普。

御園羣仰

聖人來。迎。鑾踊躍葵忱切。獨愧凌雲獻賦才。
御園從耕恭紀六韻。曰。我田既。農夫之惠。其惠。上苑土泉滋。躬耕膏壤肥。禮因加。帝藉。心是念民依。水暖流脰細。光融向午暉。省耕厘。聖慮。終畝沐。雨其公。農勞誠可念。豐稔願無違。恩輝。種布珠塵墜。犁翻玉屑飛。農勞誠可念。豐稔願無違。

轆轤聲

淥水漲平湖。春田轉轆轤。耳根鳴斷續。眼界樂霑濡。漫厭繁音急。從觀生意蘇。機心緣力稼。不與漢陰殊。

欽定授時通考

卷五十一

勸課

御製詩文

三

園林入秋後。風露肇寒初。治圃芟烟蔓。呼僮帶雨鋤。連畦清去穢。傍砌爽含虛。漫學濂溪叟。窗前草不除。

日知薈說

大田之詩曰。雨我公田。遂及我私。忠順之意。形於禱祠。親愛之心。並非勉強。及公田既渥。私田亦霑。婦子恬熙。樂其樂而利其利。仍歸於上之所賜耳。自非上之恩德。素逮。有以淪肌浹髓。其孰能誠民心志。至於大順如此哉。夷考甫田之詩曰。我田既臧。農夫之慶。卽其惠下勞農之念。所以感民者深。則其施於政事者。固不可考。而必其漸仁摩義。非歲月之暫可知矣。周禮籥章氏。凡國

祈年於田祖。則歛幽雅擊土鼓以樂田峻。按幽雅之什曰。誕后稷之穡。有相之道。所謂輔相天地之宜也。芾厥豐草。種之黃茂。卽其事也。必人事盡於下。然後有以輔成帝命。率育之心。而黍稷實穎實粟。故能爲酒醴。以祭先祖。而洽百禮。其詩曰。壽考維祺。以介景福。樂嘉報之無已也。而籥章氏歛此以樂田峻。所以樂田祖也。田峻者。古之勞農。勸相司嗇教稼。嘗有功於農事。爲田祖所佑者也。祈年於田祖。而歛幽雅擊土鼓以樂田峻。蓋云田峻是享。庶乎有以佐神農氏之治。而興我稼穡云耳。且歛幽以祭。舉國之民皆與焉。於是乎得聞先王服念勤民。康功田功之事。先民勤勞稼穡。以祇率懿訓之休農之法也與。

周禮禁原蠶。論者謂蠶馬同以天駟房星爲祖。物莫能兩大。再蠶則蠶盛而馬耗。禁之所以蕃馬也。蠶旣與馬同氣。恐蠶盛傷馬。獨不恐馬盛傷蠶乎。意者校人祭天駟。而馬質掌馬政。使並掌蠶禁。所以禁原蠶者。恐其氣竭。則來年之蠶不能蕃滋。所以節盈虛消長。以爲阜物育材之本耳。究而言之。蠶之爲用在民。而上供絲枲。則仍入乎官。馬之爲用在官。而成羣阡陌。則仍利乎民。聖人之政。亦惟斟酌損益。與時偕行。期於政修物阜而已。

欽定授時通考

卷五十一

勸課

御製詩文

三

又何容心於蠶馬之分哉

欽定授時通考

卷五十一

勸課

御製

三



又何容心於蠶馬之分哉

